



Synfocity = 490

mail us at : mzsinfo@gmail.com; mizoramsynod@gmail.com - Phone - 2314648

5th June, 2014**□ Pentikos Ni**

June 8, 2014 (Pathianni) hi Pentikos Ni a ni. Pentikos tih awmzia hi 'Sawmngana' tihna a ni. Thuthlung Hlui-ah chuan Kalhlen Kut tiak ni atanga ni sawmnganaah an hmang thin. Thuthlung Thar hunah erawh chuan Isua Thawhle tuk (Easter) atanga ni 50-naah hman a ni ta a ni. Presbyterian Kohhran chuan Pentikos ni hi General Assembly puala tawngtai rual hun atan a hmang thin. India Hmarchhaka Presbyterian Inkhawmpui (Assembly) wavi 20-na, April 28 -30, 1972-a Churachanpur-a neih tumin hetiang hian rel a ni :-

Pentikos Ni hi Chanchin Tha hrihna (Evangelism) atana Tawngtai Ni-ah kum tin hman a ni ang a. Hemi nia thilpek lakkhawm chu Kohhran zawng zawngin he mi atan hian an dah hrang ang a, thilpek la khawm thei lo an awm erawh chuan tawngtaina tal an hmang tho ang. (Assembly Thurel No. 3, April 28, 1972).

Kumin Pentikos Ni-a Inkhawm dan tur hetiang hian ruahman a ni:

Chawhma Inkhawm

Thupui : Kan mamawh Thlarau Thianghlim

Chhiartûr : Jn 7:37-39, 14:15-18; Rom 8:9-11; Jak 4:5

Zan Inkhawm

Thupui : Thlarau Thianghlim zara thiltihtheihna

Chhiartûr : Is 40:28-31; Lk 24:49; Tirh 4:8-14; 10:38; Eph 4:30; 1Thes 5:19

Chawhnu Inkhawm

Thupui : Thlarau Thianghlima khah

Chhiartûr : Tirh 2:1-4; 4:29-31; 13:52; Eph 5:18

□ SEC 251-na a thu

June 3, 2014 (Thawhlehi) atang khan Synod Office-a JM Lloyd Hall-ah Synod Executive Committee thutkhawm wavi 251-na neih tan a ni a, June 5, 2014 (Ningani) thleng neih a ni ang.

Meeting tanna hi Rev. K. Lalhmuchhuaka, Synod Moderator-in a kaihrui a, palai hming lam a nih hnuah Upa H. Zoliana, Synod Secretary-in reports a pe a, Finance Officer report ngaihthlak a nih leh hnuah Committee member thlakna hun hman a ni a, rorel tan zui a ni.

Tun tuma SEC thu rel turah hian agenda tar lansa 53 a awm a, tarlan sa bakah hian ngaihtuah tel ngai tar lansa loh engemaw zat a awm. Thu ngaihtuah tur zinga langsar zualte chu- Synod Finance manager chungchang, Contract leh Daily-a thawkte hlawh en thatna, RC & RL chungchanga sawrkar nena thawh ho thu, P.C. Girls' Headmistress ruat, Vellore Hospital Council member ruat, Ramthar rawngbawlna hmahlir siam leh enthatna commission reports, Synod Endowment Fund Dan ennawn, Kristian Thalai Pawl din kum tihchian, Hlimen-a Synod ram chungchang, Synod Administrative Set-up leh Management enthat, Dialysis khawl lei chungchang, Serampore College-a thawk tur zirtirtu dilna chungchang, KTP Inhruaina Dan ennawn, USA-a Mizo Presbyterian Kohhranin pastor an dilna chungchang, Council of Churches in Mizoram din tura hma lakna kawnga Kohhran aiawh member tur ruat te an ni. Synod Secretary Reports-a tar lan pawimawh zualte chu :

1. PCI-in Goodwill visit programme-a Wales ram a tlawh turah Mizoram Synod atanga Pastor pakhat ruat tura a tih angin Rev. Lalzuihang, Senior Executive Secretary chu kal turin ruat a ni.
2. Pu Sangsiam, Zarkawt ram Falkland-a mi chu cheng nuai 300 (zathum)-in March 10, 2014 khan lei fel a ni.
3. Kum 2013 Synod statistics chu ngun taka en chhuah vek a nih hnuah pawm fel a ni.
4. Zosap Pi Hlimi (Gwen C. Evans), kum 1958 leh 1959-a Synod Hospital leh PC Girls' School-a lo thawk tawh chu April 11, 2014 Zirtawpni zing dar 8:30 khan London-a a chenna inah kum 93 mi niin a thi.
5. Kawlho zinga rawngbawlna atana rawih mek Rev. Vanlalmawia chu a contract a tawp a, kum khat dang atan rawih chhunzawm leh a ni.
6. March-May 2014 chhungin Relief Fund atangin tanpui ngaite hnenah Rs.8,70,000/- pek chhuah tawh a ni.
7. SEC 250-na leh 251-na inkarah Kohhran dinnghehna sum Rs. 2,60,50,000/- (Nuai zahnih sawmruk leh singnga) pek chhuah tawh a ni.
8. June 12-15, 2015 chhung hian Archpriest Dr. Daniel Buda, Gen. Secretary, WCC chuan Mizoram a rawn tlawh dawn a, Mizoram Synod chu lo dawngsawngtu atan ruat a ni.
9. Kum 2014-a HSLC leh HSSLC result chhuaka Synod Higher Secondary School leh Presbyterian English School-te result chu hetiang hi a ni.

A) Synod Higher Secondary School**i) HSLC**

Exam zat : 172

Passed : 159

Percentage : 92.44%

ii) HSSLC (Science)

Exam zat : 85

Passed % : 87 %

Top ten : 1

iii) HSSLC (Arts)

Exam zat : 132

Passed % : 85.61 %

Top ten : 2

B) Presbyterian English School (12 nos)**i) HSLC**

100 % passed : School 7

90 % chung lam : School 4

73.33 % passed : School 1

□ Lay Day wavi 40-na hmang

May 30, 2014 (Zirtawpni) khan nilengin Synod hnuai Lay Workers' Fellowship chuan Synod Higher Secondary School, Mission Vengthlangah Lay Day wavi 40-na an hmang.

Chawhma lamah hun urhsun hmangin Pu C. Hmingthanzama, Vice Principal, Synod Higher Secondary School-in a kaihrui a. Pi Lalrinkimi'n tanna hun a hmang a, Secretary leh Treasurer report-te ngaihthlak a nih zawhah member thi Pu F. Darthuama, Synod Press-a Bookbinder hna thawk thin, kum 2006-a pension-a chhuak sunin minute khat ngawi rengin an ding. Hemi zawhah hian Rev. K. Lalhmuchhuaka, Synod Moderator-in Keynote Address a sawi a, Pu Zadawla'n Lay Day thupui "Inpumkhatna" tih a sawi a, hruaitu thar hlanna hunin a zui a. member pariat hnenah ngaihhuina thilpek hlan a ni.

Chawhnu lamah School Assembly Hall-ah Hun Zangkhai hman a ni a, Upa K. Roseian a kaihrui a, intihlimna item chi hrang hrang hmangin kal khawmte an inpawl ho a ni. Hemi zawhah hian tlai lam dar 3 atangin Lay Day ruai kil ho a ni.

Contd...

Lay Day Keynote Address sawitu Rev. K. Lalhmuchhuaka chuan Synod hnuaiia thawktute chu Pathian rawngbawlina hnaa inpe an nih anga khawvel hna thawktute dinhmun nena inkhaikhin ching lo tur leh, an nihna nghet taka inpawm a, lungawina nena rawngbawl hna thawk turin a fuih a. Thupui sawitu Pu Zadawla chuan inpumkhatna a lo awm theihna turin mitinin mahni pianpui zia ken tlang tum tlatna kan bansan a ngai tih sawiin chapona leh mahni hmasialna laka fihlim a pawimawh thu leh rilru zau neih a tulzia a sawi bawk.

Synod hnuaiia Lay Worker-te hi tunah hian an vaiin member 924 zet an ni a, chung zingah chuan Synod Hospital chu member ngah ber niin member 371 an nei a ni. Member nei tlem ber chu SMTC leh Masihi Sangati Kendra te niin member 10 ve ve an nei.

Kum 2013 chhung khan SLWF hian Synod Hospital Charity Fund atan Rs. 58,105/- an pe a. An member thi chhungte hnenah ralna sum Rs. 30,000/- an hlan thin chu tun atang chuan Rs. 50,000/- hlan tawh tura rel a ni. SLWF hian kum 2013 chhung khan sum Rs. 2,43,062/- a hmu a, Rs.1,58,973/- hmanral a ni.

Kumin 2014 hian kum danga an tih thin angin SLWF hian Hospital Charity Fund atan Rs. 95,650/- an thawkhawm chu Hospital hotute hnenah an hlan nghal bawk.

Kum 2014 chhung atana hruaitu tharte chu :

Chairman - Upa R. Lalmalsawma, General Manager, PRESCOM
 Vice Chairman - Upa R. Rualkhuma, Pensioner
 Secretary - Upa Hmingthansanga, SHSS
 Jt. Secretary - Pu K. Siamchhunga, Rescue Home
 Treasurer - Upa H.S. Lalhlimpaia, Synod Hospital
 Finance Secretary - Pu Lalromawia, Synod Office
 Heng Office Bearer-te bakah hian Lay Assistant 15 ruat thar an ni bawk.

☐ **Zin**

- ♦ May 31 - June 2, 2014 khan Phullen Kohhran tlawhin Rev. Lalzuithanga, Senior Executive Secretary leh Upa H. Zoliana, Synod Secretary (Sr.) te an kal.
- ♦ June 4 - 6, 2014 chhung hian Presbyterian English School permission dil enfiah tur leh school tlawh turin Upa D.P. Biakkhuma, Supervisor of Schools a zin. June 4, 2014 (Nilaini) khan Khawkawn leh Chiahpui a tlawh a, June 5, 2014 (Ningani) hian N.E. Khawdungsei, Ngopa, Kawlbem leh Teikhang a tlawh leh ang.
- ♦ June 7 & 8, 2014 hian N.E. Khawdungsei Kohhranah Upa H. Zoliana, Synod Secretary (Sr.) a kal ang.

☐ **Aluminium Mistiri Training Wawi 2-na**

June 9, 2014 (Thawhtanni) zan dar 7:00 Freddy Enterprise Building, Durtlangah Aluminium Mistiri Training wawi 2-na Pathian hnenah hlan na neih a ni dawn a, Rev. P.C. Pachhunga, Executive Secretary-in a hlan ang.

Tun tum Aluminium Mistiri Training hi Synod Social Front, Freddy Enterprise leh V n V Industry tangkawpin an buatsaih tur a ni a, training hian thla khat leh a chanve chhung a awng ang. Training nei tur hian mi 22 lak an ni a, training chawlhkar khatna hi Theory-a zirna hun a tan ruahman a ni a, chhun lamah Instructor ten zirtirna an pe ang a, zan lamah Social Front Economic Cell member-ten hun an hmanpui thung ang.

☐ **Synod Mission Board**

- ♦ May 25, 2014 (Pathianni) khan Rev.Z.D. Lalhmachhuana, Barak Area Church & Mission Administrative Secretary-in Barak Area Karimganj Bial chhung Patharkandi-ah Preaching Station a hawng. Inkhawmna tur Biak In an la neih loh avangin an member, Sunanda Sinha ten an insak thar room pakhat chu inkhawmna atan an hmanfir dawn a ni.
- ♦ June 2 - 4, 2014 khan Bethlehem English School, , Noagang (Tripura Field) chuan Gospel Week an hmang a, Speaker atan T.B.CH. Lalsangkima, Headmaster an hmang.
- ♦ Silonijan Kohhran, Karbi Anglong chuan June 6, 2014 (Zirtawpni) hian a din champha wawi 25-na (Silver Jubilee) a lawm dawn a, Silonijan a lo thawk tawh zawng zawngte he hun hmanpui tur hian an sawm.

☐ **MSSU**

- ♦ June 6 - 8, 2014 hian Chiahpui Kohhranah Sunday School Zirtirtu Training neih a ni dawn a, hemi neihpui tur hian Pu Lalfakzuala, Synod Office; Upa K. Zoremsanga, Kulikawn leh Pu T.C. Lalhmangaiha, Leitan (MSSU Campaigner) te an kal ang. Training bakah hian fanau enkawl (Child Evangelism) chungchang thuchah sawiin hun an hmang bawk ang.
- ♦ June 7, 2014 (Inrinni) hian Khatla East Kohhranah Sunday School Zirtirtu Training neih a ni dawn a, hemi neihpui tur hian T.Upa Lalthahluna Ralte, MSSU Asst. Coordinator leh Upa Hrilthansanga, Mission Vengthlang (MSSU Campaigner) te an kal ang. Training bakah hian fanau enkawl (Child Evangelism) chungchang thuchah sawiin hun an hmang bawk ang.

☐ **Whit Monday**

June 9, 2014 (Thawhtanni) hi Whit Monday a ni a, Synod Office leh Synod Department hrang hrangte an chawl ang.

☐ **Pro. Pastor Orientation**

June 9 - 13, 2014 hian nikum 2013 Synod Inkhawmpuia Pro. Pastor lak tharte pualin Orientation training, Synod Conference Centre, Mission Vengah neih a ni ang.

Training-ah hian rawngbawlina kawnga tangkai tur thil chi hrang hrang zirtir an ni dawn a, resource person turte chu : Rev. Dr. R. Lalbiakmawia, Rev. Lalzuithanga, Upa Vanenglina, Rev. P.C. Pachhunga, Dr. Lalchhanhima, Rev. C. Rosiama, Dr. C. Lalhrekima, Rev. B. Sangthanga, Upa H. Zoliana, Rev. H. Remthanga, Dr. Robert S. Halliday, Rev. Zosangliana Colney, Rev. C. Vanlalhruaia, Upa F. Lalsangliana, Rev. Lalramliana Pachuau, Rev. Lalchhuanmawia, Rev. K. Lalhmuchhuaka te an ni ang. June 13 (Zirtawpni) zana Synod O.M. member-te nen inkawmhona hun an nei ang. *Programme kimchang pheh hnungah tarlan a ni.*

☐ **NEICCYA Biennial Conference-cum-Seminar**

June 12 - 15, 2014 hian North East India Christian Council Youth Assembly (NEICCYA) 15th Biennial Conference-cum-Seminar, ECM Church of Vaihipi, Saiha-ah neih a ni dawn a, inkhawmpui hi Evangelical Church of Maraland (ECM) ten an thleng dawn a ni. Inkhawmpui thupuih 'Oneness in Christ' (John 17:20 - 21) an hmang ang. Inkhawmpui neih chhung hian Mizoram Synod Choir-te tum 4 (Inrinni zan, Pathianni Chawhma, Pathianni Chawhnu leh Pathianni Zan) an zai ang.

- ❑ **Hruaina Eng FM Radio & TV Programme**
 - ◆ **JUNE 6 (FM Zoawi Aizawl @ 7:30 p.m.) :**
Solo : Baby Malsawmtluangi - Van khawpui mawi, **Choir :** Sihphir Pastor Bial Zaipawl - Lal rawngbawltu, **Thuchah :** Upa H. Lalhmingmawia - Damdawi kheh leh a hlauhawmna, **Solo :** K Zonunmawii - Lawmna tlang, **Choir :** Bawngkawn Bial Zaipawl - Dam chung nite an rei silo, **Solo :** Dr. Zothansanga - a lo kal leh dawn
 - ◆ **JUNE 6 (FM Lunglei @ 7:30 p.m.) :**
Solo : Baby Malsawmtluangi - Van khawpui mawi, **Synod News, Choir :** Sihphir Pastor Bial Zaipawl - Lal rawngbawltu, **Thuchah :** Upa H. Lalhmingmawia - Damdawi kheh leh a hlauhawmna, **Solo :** K Zonunmawii - Lawmna tlang, **Choir :** Bawngkawn Bial Zaipawl - Dam chung nite an rei silo, **Solo :** Dr. Zothansanga - a lo kal leh dawn
 - ◆ **JUNE 8 (TV Programme @ 3:00 p.m.) :**
Sermon : Rev. Lalrinmawia - Pentikos Pathianni thuchah, **Zaipawl :** Champhai Vengthlang Bial Zaipawl - I nunna atan, **Playback :** Nursing School Graduation Day 2014
- ❑ **Susamachar Prasaran Programme**
JUNE 8 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Hunthar Kohhran - Ibadat Karo, **Group/Choir/Solo :** Govt Complex Kohhran - Anugrah Karii, **Sermon :** Rev B Zobiakltuanga - Atma Ki Aguwai (Pentikos Sermon), **Group/Choir/Solo :** Lunglei Area Masihi Sangati - Rahi to chalta chal, **Group/Choir/Solo :** Tanhril Pastor Bial - Mere Mashi
- ❑ **Synod Moderator Programme**
 Synod Moderator Rev. K. Lalhmuchhuaka chuan hetiang hian hun a hmang ang :
 June 7, 2014 (Inrinni) Zan : Mualcheng Kohhran tlawh
 June 8, 2014 (Pathianni) Chawhma : East Lungdar Kohhran tlawh
 June 8, 2014 (Pathianni) Chawhnu : Venghlun, East Lungdar Kohhran tlawh
 June 8, 2014 (Pathianni) Zan : Mualcheng Kohhran tlawh

HRIATTIRNA

Kum tina kan lo neih thin angin, kuminah pawh hian dt. 08-06-2014 (Pathianni) zan hi PCI General Assembly puala tawngtai rual neih hun a lo ni leh ta a, hemi ni atana thuchah chhiarchhuah tur leh tawngtina thupui hi PCI General Assembly atangin kan dawn tlai em avangin thawchhuahna hun a awm tawh lova, Kohhran tin ten tha leh remchang in tih angin lo hman mai ni se.

UPA H. ZOLIANA
Secretary (Sr.), Mizoram Synod

EVANGELIST HNA RUAK

Masihi Sangati Kendra (Under Synod Mission Board) chuan mizoram chhunga hnam dang zinga thawk tur Evangelist engemaw zat a lakbelh dawn a. Diltu chuan hnamdang tawng Hindi/Bengali/Tripuri etc. an thiam ngei tur a ni. Dilna hi plain paper a ziakin a hnuai hming ziak hnenah hian June 26, 2014, Dar 2:00 p.m. thlang a thehluh theih a ni.

Personal Interview : Dar 11:00 am, 27th June, 2014
A hmun : Synod Committee Room No 1, Synod Office, Mission Veng

Ph: 8415841681, 2345176

Director
REVD. K. LALTHLANPUIA
Masihi Sangati Kendra, Bawngkawn

SYNOD RESCUE HOME ADMISSION

Ruihlo ngaite pualin Synod Rescue Home, Durtlangah June - September, 2014 Batch hawn a ni leh dawn a, a lut duh chu June 10 - 12, 2014 chhungin Family Guidance & Counselling Centre, Mission Vengah Pre-Admission Counselling nei tura kal tur a ni.

Contact : **2361144, 9862153189, 9436156932, 9436384422**

REV. R. VANLALNGHAKA
Director,
Synod Rescue Home, Durtlang

MUSIC ADMISSION

Synod School of Music hnuaiah July - December, 2014 chhung atan Keyboard zir duhte tan seat dil theih a ni a. Dil duhte chuan a hnuaiah tarlante hi hriat nise :-

- Ⓞ Music Department, Synod Office atangin dilna form la chhuakin June 24, 2014 ral hma ngeiin Synod Office-ah thehluh tur a ni. June 25, 2014-ah seat chang turte hming tarchhuah a ni ang a, zir tura thlante chuan June 26 & 27, 2014-ah Admission tih fel tur a ni ang.
- Ⓞ July 1, 2014 atanga Class tan tur a ni ang.
- Ⓞ Dilna-ah mahni awmna Kohhran lehka thil tel ngei tur a ni.
- Ⓞ Hriattur tul dang chu dilna Form-ah tarlan a ni.

REV. P.C. PACHHUNGA
Executive Secretary, i/c Music

